



Broj: 02-02-1-284-2/19

Sarajevo, 08.02.2019. godine

n/r: Direktor

Predmet: Poziv bh. kompanijama za učešće na Međunarodnom sajmu organskih proizvoda NATURAL PRODUCTS EXPO EAST 2019 - BIOFACH AMERICA, Baltimore (SAD); 12.-14.09.2019.

Poštovani,

Vanjskotrgovinska komora Bosne i Hercegovine u saradnji sa USAID/Sweden FARMA II projektom organizira kolektivno izlaganje bh. kompanija na Međunarodnom sajmu **Natural Products Expo East 2019** koji će se održati u **Baltimoru** (Sjedinjene Američke Države) u periodu od **12. do 14. 09. 2019. godine**. Izlaganje bh kompanija planirano je u dijelu sajma namijenjenom organski certificiranim proizvođačima/prerađivačima (BIOFACH AMERICA 2019).

U svrhu nastupa na Sajmu, V/STK BiH namjerava zakupiti prostor od cca 35 m² na kojem bi izlagalo 6-8 bosanskohercegovačkih kompanija. U slučaju većeg broja zainteresiranih za izlaganje na sajmu, izvršit ćemo selekciju kompanija-izlagača shodno kriterijima prema kojima će prednost imati sljedeće kompanije:

- proizvođači neke od sljedećih kategorija proizvoda: ljekovito i aromatično bilje, gljive, šumsko bilje, eterična ulja i drugi organski certificirani proizvodi;
- kompanije koje imaju iskustvo u izvoznim poslovima i upošljavaju barem jednu osobu koja aktivno komunicira na engleskom jeziku i koja će biti prisutna na štandu;
- kompanije koje su strateški opredijeljene za izvoz (tržišta EU i SAD) i imaju adekvatan kvalitet proizvoda (isključivo kompanije koje posjeduju organski certifikat (uslov sajamskog organizatora);
- kompanije koje su aktivni članovi V/STKBiH (redovno izmiruju obaveze plaćanja članarine);
- kompanije koje su izmirile finansijske obaveze proizašle iz prethodnih nastupa na sajmovima koje je organizirala V/STKBiH i pokazale profesionalan pristup prilikom ranijih izlaganja (podjela informacija o rezultatima nastupa sa organizatorom, korektan odnos prema ostalim izlagačima na kolektivnom štandu, i sl.).

S obzirom na visoku cijenu zakupa prostora, V/STK BiH i USAID/Sweden FARMA II projekat će snositi najveći dio troškova zakupa prostora.

BH kompanije-izlagači snosiće dio troškova uređenja za izlagački prostor i uređenje štanda u fiksnom iznosu od 2.000 KM + PDV (17%) po kompaniji. Kompanija koja ne izvrši uplatu



participacije do definiranog roka bit će eliminirana, a organizator će na učešće pozvati drugu kompaniju koja zadovoljava kriterije.

Pored navedenog, izlagači će snositi i ostale vlastite troškove kao što su transport i špedicija eksponata, te troškovi smještaja i prijevoza vlastitog osoblja/predstavnika.

V/STK komora BiH i USAID/Sweden FARMA II projekat će na pripremnom sastanku sa prijavljenim izlagačima podijeliti rezultate analize ovog sajma za 2018. godinu. Tokom ljeta 2019. godine USAID/Sweden FARMA II planira angažovati konsultanta koji će prijavljenim kompanijama pomoći oko dogovaranja B2B sastanaka sa potencijalnim kupcima i distributerima za vrijeme sajma.

Ukoliko ste zainteresirani da učestvujete u zajedničkom nastupu na ovom Sajmu, molimo Vas da nam dostavite popunjen formular prijave za učešće (u prilogu). Rok za dostavu prijava je 22. februar 2019. Svoje prijave možete dostaviti na broj faksa 033 566 239 ili na e-mail adresu: tarik.kovac@komorabih.ba.

Nadamo se da ćete pronaći svoj interes da učestvujete na sajmu Natural Products Expo East - BIOFACH AMERICA 2019.

S poštovanjem,



DIREKTOR
Enes Ališković

Prilog:

- Obrazac za prijavu